

werden/die Irthumb der Künstler zu diser zeit letztlich auch anzeigen/wie die Natur in der Erden wircket/in geberung der Metallen/deren die Künstler auff der Erden nachfolgen müssen/dar nach wollen wir auch die gebürliche vnnnd darzu gehörige Materij anzeigen. Zum letzten die fürnembsten Puncten vnd Terminos, so in diser Kunst fürnemblich gebräuchlich/auch die widerwertige Sprüch der alten/vereinigen/zu nutz den Kinderen der Weisheit/vnd zu schmach vnd Abbruch der Unweisen/deren doch alles durch Authoritet der Eltesten vnd Gelehrten Philosophen.

Damit wir aber besser erkleren die ersten/die vnser Kunst erfunden/vnd anfenger sind/ist zu vorderst von nöthen die Lehr des heiligen Jacobi hie anzuziehen/die also lautet: Alle gute vnd vollkommene Gaaß ist von oben herab/von dem Vatter des Liechts. Es reimet sich aber solche Lehr/auch auff diß vnser fürnehmen gar fein/besonder weil vnser Kunst so Göttlich/ja vbernatürlich ist (in ihrer anderer Wirkung) die sie noch vnd allwegen gewesen/vnmöglich dem Menschen zuverstehen/weder durch lesen noch studieren/ob sie gleich die allerweifesten vnd gelehrtesten weren/wann es ihnen Gott nit anfenglich eröffnet/dann es mangelt des orths aller natürliche vernunft vnd vrsach/darumb nit vnbillich von etlichen geschrieben/das es von Gott nuhr den seinigen behalten sey/ja denen so ihn fürchten/ehren vnnnd lieben/wie Hermes der groß Prophet spricht: Ich kan keinem dan Gott der erfindung halber dancksagen/solches beweist Aluidius mit diesen Worten: Wisse das Gott dieses den nachkömlingen Adams behalten/vnd fürnemblich den Armen. Dises beweist auch Geber in seiner Summa sprechende: Vnser Kunst vnd Wissenschaft ist in der Krafft Gottes behalten/der es gibt wem er will. Darumb ligt nit an der Menschen gewalt/ist auch von ihnen nit erdacht/oder erfunden. Aber so fehr sie natürlich ist/vnnnd aber in den ersten anfengen der Natur nach gefolgt sind/vil meinungen in beweisungen der Erfinder derselben anzuzeigen.

Etlich gaben für Adam sey der erst/etliche Aesculapius, andere sagen Enoch hab das erst wissen daruon gehabt/welchen sie Hermetem gewesen seyn sagen. Den auch die Griechen so hoch erheben

ben